



# Mi ku mi limania koté koté

Sharrel "Adjatay" Denisia

**Grupo Rímiko: OríRí**  
Elia Isenia/Furgell Wijngaarden  
/Sharrel Denisia  
Royston Hato

Ku kara na laira ei  
Para ku wowo kla na port'i kunuku  
Mi ku mi limania  
Bo ku bo limania  
Brasa otro pa nos ban  
Kachuela a primi tera

**Kor: Mi ku mi limania lo keda peilu**  
**Koro: Mi ku mi limania lo keda peilu**  
**Koro: Mi ku mi limania lo keda peilu**  
**Koro: Brasa riba brasa**  
**Koro: Brasa riba brasa**  
**Koro: Brasa riba brasa**  
**Koro: Brasa riba brasa**

Dos bèndu di tera mi ku mi limania a marka  
Drecha dam ku piedra kaba sera nos trankrera  
Sodó di nos frenta kasi a kore drehta suela  
Nos a koba planta ku forsa renobá

Koté koté nos a sinta warda awa yobe  
Flecha di maishi tur ta anunsia  
Den un frega di wowo kunuku a pari bon

**Koro: Pampuna kalbas huntu ku motoli**  
**Kor: Ku seú t'ei broma**

Nos dos ta grita kiu pa plantadónan sali  
Wapadónan tur ta bai kantando  
Dapankipi, danki na Wazé  
Nos dos ta grita kiu pa plantadónan sali  
Wapadónan tur ta bai kantando  
Dapankipi, danki na Wazé

**Koro: Mi ku mi limania lo bai brasá**  
**Koro: Mi ku mi limania lo bai brasá**  
**Koro: Mi ku mi limania lo bai brasá**  
**Koro: Mi ku mi limania lo bai brasá**  
**Koro: Mi ku mi limania lo bai brasá**  
**Koro: Mi ku mi limania lo bai brasá**  
**Mi ku mi limania lo bai brasá**



Mi ku mi limania  
Bo ku bo limania  
Brasa otro pa nos ban  
Kachuela a primi tera  
Pone man na bo frenta  
Wak bon promé bo sali  
Peilu ku wow'i falki  
Pa watiti u'n bara mayo

**Koro: Brasa riba brasa**  
**Koro: Brasa riba brasa**  
**Koro: Brasa riba brasa**  
**Koro: Brasa riba brasa**

**Koro: Watiti u'n por bara mayó**

**Koro: Brasa bo ban**

Brasa riba brasa  
Mi ku mi limania  
Brasa riba brasa  
Ku kara na laira  
Kachuela a primi tera  
Tene bo lantera  
Ta no mé a bòltu tera  
Ku awe tin kosecha  
Koté koté ku mi limania  
Koté koté ku bo limania  
Amigu nan mané ruman  
Huntu nos ta brasa otro ban  
Un tin kuenti rasa ni koló

*Kek*

Kòrsou awo t'e ora  
Wapadó nan tur ta bai kantando  
Ami abo e awe nos tur ta brasa bai  
Huntu nos ta ban

**Koro: Brasa bo limania**  
**Koro: Brasa bo limania**  
**Koro: Brasa bo limania**  
**Koro: Brasa bo limania**

**Koro: Koté koté**

Kaya tin ku habri  
Ora nos ta pasa  
Kunuku a pari bon

Dapankipi na Wazé

**Koro: Paso Watiti no a bara mayó**



**Koro: Brasa bo ban**

Brasa riba brasa  
Mi ku mi limania  
Brasa riba brasa  
Ku kara na laira  
Kachuela a primi tera  
Tene bo lantera  
Ta no mé a bòltu tera  
Ku awe tin kosecha

### ***Ekspreshon i palabra nan arkaiko***

Limania: Amigu manera ruman

Koté koté: Semper huntú/ Tur kaminda nos ta huntú, palabra di banda ariba

Kachuela: Klubu chikí pa klaba sanbarku

Béndu di tera: 1 hectare/ 10.000m<sup>2</sup>

Pampuna kalbas: Pampuna garganta largu

Motoli: Rasa di patia ku ta keda chiki ku sabor masha dushi e por ta kora, blanku of koló hel paden

Flecha di maishi: E parti largu ku ta krese mei mei di e palu ku despues ta saka tapushi

Un frega di wowo: masha lihé

Dapankipi: Danki na Galèin (un di nos dialekto)

Wowo di falki: Wak masha bon mes

Peilu: Keda wak bon

Pa watiti no bara mayó: Pa para o dalakochi grandi no kome maishi /kosecha